

沅

湘

耆

舊

集

沅湘耆舊集卷第一百十一

新化鄧顯鶴湘皋編輯

鄞縣沈道寬栗仲校訂

周默畊錫涓 六十四首

錫涓字湜甫一字默耕號簪漁湘陰人乾隆甲午
舉人所著有志古齋詩鈔默畊爲半帆大令同懷
弟與兄齊名交吾邑吳蘭柴孫石溪兩詩老尤篤
其詩才力亦相敵

東坡和淵明赴假江陵夜行詩有寸田且默耕之句
余因取默耕二字爲號次韻三首

鯤鵬笑蓬蒿蝴蝶嘲南冥羽翼有差池各不違其情羈心

積孤枕依依到柴荆幽夢倏驚散起坐百感生倚門同趨

壹收器殊駸明氣屈昨暮兒耿耿何能平不平豈今日甘

載孤蓬征竟無二頃田烹葵事春耕唯有默耕法心清妙

香縈俯視塵埃中一餉飛蚊鳴

淵明尾韻名字余不敢和陶故從坡

我才必有用太白終沉冥摧眉博一醉淒然傷我情君看

隴畝民生不願識荆斗酒樂餘賸隻雞招友生我欲從之

游謂我非淵明弱冠盛意氣鸚薦擬正平不肯治本業分

當事遠征再拜謝其言何年我歸耕默耕豈生計暫緩愁

腸縈蓬心庶已矣匣劍忽一鳴

神珠非外得吾聞諸元冥舍已芸人田哲士疵其情寸田

天所賦但防榛與荆十畝天所怪饑走甘平生胡為苦經

結擾我靈臺明宴坐排冥筮礪魄須臾平心與造物遊夢
隨白雲征穠莖了不事所得踰巖耕吾聞耕亦餒詎免憂
患榮心虛腹亦實機腸無由鳴

下第作

始我遊京華睥睨青霄迴春風吹慘綠照座光炯炯科名
比頷髭珠玉生欬警鄰生桂一枝坡翁策三等古人如可
作直欲長驅竝四薦竟不售恍如夢初醒竄身鄉塾中修
脯嚮十牋每逢上計吏誓蹲原壤脛今年忽攘臂狂病真
莫拯閨中十數藝師友謬首肯古井久無波敢復希溲溲
果然醜陋質換骨無丹鼎朋儔或歎惋我自忘畦町驪首
與曝顛不直一酩酊卻思來時路崎嶇况泥滓

山寧夏至
京山路險

峻何以償我勞墨水須灌頂

出都門作

我來同社燕歸去不待秋借問同行客將毋戀舊邱興盡
久當返復此匝月留下第後訛傳大一聞鈴馱聲吾儕信

歸休

歸休匪今日歸路况佳哉風沙易水別煙雨穆陵迴五兩
洞庭艦八景瀟湘臺去去協幽期嗟予云胡來

我來亦已屢肯憚行旅艱廣寧門外柳甘載六度攀哲匠
繆青野客子非舊顏五薦不中程吁嗟玄髮斑

白髮忽滿鬢蹉跎四十年壯心既零落生計殊亦然翁子
采樵歸蘇季金盡旋妻孥不可說况與眾人言

眾人異好尚，匪直刻薄姿。逐臭詎謂惡，已餐疇念饑。吾聞雲泥隔，近在對面時。君子賴固窮，茲言庶吾師。

古風一首呈家大兄時將至寧夏渡河先以此寄

四十年兄弟，頗謂得天厚。商摧共晨夕，風義兼師友。少從兄受

業中間稍乖離，直爲饑驅走。然猶數數晤，一歲七八九。遂

申風雨約誓，老不相負。况君官絕塞，子焉寡儔。偶妻孥均

未借，誰與共杯酒。辭家輕萬里，來伴東坡叟。雲龍甫相隨，

肯遽離左右。今年詔科下，自顧况做帚。君苦促我行，寧不

樂聚首。感君纏綿意，憐我蹉跎久。功名無意得，相勗不出

口。辭沽出東門，晨光動林阜。河冰堅可渡，加額競引手。時

已解凍先數日，車馬有淹沒者。驅馬復來歸，悠悠竟何有。

是日河冰堅送者咸以相慶

徒使春三月別緒牽楊柳勿用酒軟腳茲游直駢拇

半帆兄寄示寧夏采風詩八章蓋德與言兼之顧其地苦貧瘠頗以逋欠爲憂敬獻一章以廣其意且志

數年來離別之感

長沙舊遊地對牀非一宵復此風雨夜悵望關塞遙執手不能離寒暑况迭交朔方地磽确西戎畜牧郊沙壓溝塍
沒鹵浸根髮焦刮鰓納二稅民命久不聊道無緹屬租官
有課免條彌縫緩鞭撲失簿森州曹心念局中人凜凜寒
生毛閒緘觀新作絕塞迴春飈藹如仁人言允矣良吏標
徒歌于蒿于德秀未足褒以此達 天聽遐邇均覆甯
方將播惇史而反虞訾警我觀驟稅書中葉尤驛騷嚴符

下郡縣急牒追逋逃緬惟賢守宰強項視不怵臣職在撫
字臣肘任掣搖陽城署下考漫與發哀謠劉摯請中價黃
灑闔秋苗艱難濟深惠介名固已劭秉茲惻怛心憐彼哀
嗚噉懼罪十世宥論善干災消幹局諒何營異患非所招
苟不歷盤錯奚以徵持操 朝廷况深仁蠲豁亦屢叨遠
夢作妥帖杜詩千里初妥帖離思難爬搔朔邑附郡城西風滿塵
鷲一命杜崩色五斗陶折腰襍被誓重來履屐追前勞庶
幾暇豫豐因之詩酒豪展轉彌年歲百感中煎熬雖然山
澤期久已平生要斗粟待春籜瓜果相迎邀哀樂中年多
歡娛晚節饒想見清湘上照水三重茅

守菜

我身無處著我田不足耕白芥非嘉蔬深春葉青青愛其
氣味辛切與薑桂并加點鮭菜間煩悶庶一醒樊柳疎隄
防昏夜竊屢經偵伺代僮僕露坐達五更旁舍或驚詫妻
孥詎見明所入不償勞寄我學圃情蔬兮飯之半老去願
易盈分外慳幽討卽景歡平生春林月澹白雨徑煙青冥
山花落疏籬蛙鼓喧遙陸徘徊不覺曉襟袖清泠泠太息
生事微半畝可嗟矜採掇適云已浩蕩孤蓬征

題顧生宗海集

寒松無早花朝菌悲夕隕文章雖小技下筆千古近龍門
貴深思吏部戒甚敏五字斷髭鬚片語愁肝腎世人誇速
藻頃刻浮海蜃垂求皇甫序那顧士衡晒可憐江淮閩黎

棗斬伐盡，願生英妙質。哲匠盛推引，詞場發軔初。道在嚴
鞞，勦慎勿逐時。好技癢不可忍，蓄寶每希聲。前修以爲準，

題唐陶山齊楚丙舍圖

昔聞漢趙宣，葬不閉塋隧。餘波及後世，塋域競揚厲。亭標
永慕名，堂署思成字。吁嗟一坏土，形魄非魂氣。紹庭儼陟
降，執玉凜失陸。墟墓始生哀，何以明不置。陶山古孝子，情
識互通蔽。圖成兩丙舍，滿幅岵岵淚。苦云齊楚遠，何解幽
明意。徒思麥飯澆，詎似雞豚逮。古人不合葬，亦不重墓祭。
資父以事君，道在篤德類。君今宰吳江，經術飾吏事。縣譜
父書貽，酒限慈闈制。泉臺定含笑，清白家聲嗣。香逾黍稷
馨，欲甚斑斕戲。猶復松楸域，圖畫至再四。

君先有陶山望
杏園及岱覽圖

皆爲大夫哀哉孝子心孺慕無弗至以茲風末俗比戶樂
人墓而作融洩絕勝少保圖持向牙門示我幼志顯敷謬算百不遂
分當守墳墓不待義之誓馬鬣况新營宰木悵未植匆匆
走天涯此身爲誰致無尊罪莫追掩泣促歸騎

寧夏青銅峽禹廟

導河積石至龍門中間疏濬會未聞河出塞外數千里折
爲河套東南奔縱無險礙似底柱詎可闕畧同河源雍州
貢賦浮積石掩卷茫昧難具論葦精石峽數十丈熙河李
復頗知津直疑隨刊未到此史臣紀載每失真朔方浚渠
肇自漢宣房築後西屯田八年於外弗荒度地非五服至
五千今來峽口見遺廟石室中空外拓脣山經地志不可

考其軼聞之父老云河渠引水在激急廣武直北皆平原
披沙決河自易易神聖作事圖其難青銅峭壁真宰鑄巨
靈縮手陽侯蹲一聲霹靂石忽破萬里奔流山盡吞坎窞
長止各有職問河公兮何不仁嗟呀怪石似虎豹睥睨不
放蛟龍前地道流謙有常理風雷迸落黃雲天衝波決起
百餘尺飛灑滿郡桑麻川塞上七八月不雨夏人振古歌
有年春秋報賽酬明德此峽非禹誰能判當年神斧鑿削
處夕陽照耀痕斑斑何況艾山舊渠堰似禹故迹又雅傳
乃知古人戒矜伐美利萬世常不言嗟我遠道矜目見書
此一補禹貢篇

蘭州河橋詩

黃河上與天漢通，跂彼織女愁。秋空張騫靈槎不可借，烏鵲架橋風露中。夜深西斜雲四卷，倒景忽落馮夷宮。星官事嚴忌，瀾洑沙磨水。激波撞春河，神亟勅鬼守。護萬古躡此神仙蹤，不然藏舟夜走山。徙澤橫船截河河，怒赫長鯨巨纜強。排格脆弱敢與洪波敵，天巧乞與匪人力。牛女瞪目悲陳迹，聯翩青雀十二雙。隨波上下身低昂，繚以朱闌覆以板。鯨魚曝背龍盤梁，客路風濤成夢魘。中流忽此周行儼，東通渠搜西氏羌。天塹茫茫失其險，建橋議肇漢充國。洪武九年柱鑄鐵輪蹠，躑躅河勿與同看東海幾揚塵。

送吳三蘭柴歸新化

與子之別歲在卯，十年消息飛鴻杳。每從莘老問訊君，使

我四望心神悄長卿四壁舊寥寥漳水沉疴近纏繞可
高情似昔豪直恐良覲從今少明經舉子忙可笑得失於
君毫末小終然強起爲此來嗚呼始願何時了憂能傷人
古所歎生不豁意壽亦天坐令鬢髮兩飄蕭一事無成共
衰老雖然養生有真訣寸田尺宅非茫渺還家保此百年
壽五嶽前期如皎皎

五月十九日宿懷遠縣李邱家坪回思去年五月從
半帆兄赴蘭州是夜宿中衛之勝金關家兄買魚置
酒爲壽蓋以次日余生辰也今又一年矣歲月如流
忽焉至四十名揚得失何與素懷從此躬耕寧非至
樂耶顧並不可得而客路崎嶇世情齟齬半生辛苦

何日息肩孤館悶坐遂賦一首

去年此日日沒西勝金關上看南斗阿兄買得鯉魚肥慰
我龍鍾三十九今年此日榆林塞獨立蒼茫無匹偶離家
歲月總關心失意年華如覆手隔朝平頭四十秋攬鏡衰
顏獨何厚半生奔走風吹籜五度瑠璣魚貫柳豈獨無聞
不足畏漸覺見惡動得咎嗟哉尤士何處著老矣儒冠真
可醜誓將叱犢了生涯問稼學圃從田叟卻望家山更惆
悵負郭二頃吾何有且隨坡老過秋風醉我新詩勝美酒
去年楊蓉裳刺史以橫城登高詩見示匆匆未及屬
和頃間見其幕客石午橋和章遂追作一首仍次蓉

裳原韻

君不見彭城戲馬臺名巽宋公九日來登高一時僚屬盡

才俊清詞揮灑翻江濤風流盛事誰復繼黃樓坡老曾濡

毫海寶塔前作重九去年登獨騎瘦馬沿城壕側帽自羞

華髮短對酒更怯螟蛉豪豈有新篇酬令節但覺意氣無

雄驚蓉裳先生古良牧詩才更似切玉刀少年已奪溫李

幟一變欲與韓蘇躋邈隴山前送夷使名王偃僕華音操

爭要衣裳襲冠帶畢獻方物牽旅獒 聖人建極教四

訖絕徼同軌車連鑣作詩 且布刺史事參軍倔強右屬藥

我聞撒拉昔猖獗乾隆辛未花門勢面連睢尻跳梁自恃

醜類眾壓陣屢遣官軍掃邑中狐鼠慝並作郡內薤木嗟

難薌先生一臂捍東面蓉裳時任不假烝土城偏牢指揮

伏羌令

吏卒義氣奮陣雲團結山周遭賊人膽破軍中范虎臣踵

繼淑問臯

上命嘉勇侯福康安公討平之

夜深父老話遺事耳邊彷彿

豺狼學論功移節駐靈武

蓉裳以軍功擢靈州牧

公餘詩酒相遊遨

伏羌紀事流傳遍

蓉裳有伏羌紀事諸詩

惜我未見心忉忉廬陵嘗

言平戎競何事自古無不由吾曹丈夫姓名須磊磊君乃

餘事兼風騷嗟余壯志百不遂塞垣兩度重陽餒畏人自

笑同厠鼠將糖詎敢評蟹螯何當一舸徑歸去春江綠漲

新葡萄

庚戌下第後仍赴寧夏代書寄內

天壤乃有郎丈夫不如此年年嘲坦率今歲寧復爾閨中

日夜卜金錢而我蹉跎似昔年翦羽籠中看過鳥騎驢路

側避金鷄辛勤寒女手中絲衣工棄之忽如遺蛾眉淡掃
嫌粉污畫手一抹千癢朕此時此恨誰與語非癡非醉君
寧知飄零又向榆關道廿年夫婦天涯老萬里孤雲鳥路
長三更對泣牛衣好阿棠懶惰不學殖今且受室誇要襖
浪遊我愧爲人父須知母道非姑息嬌女索抱牽吾裾大
者還來問我書與君對酒共歡笑覺來月照窗紗虛以茲
感歎心如結歸期儻及初冬雪一語屬君休下機下機更
使余愁絕

奉題唐陶山兄逸軒小聚圖

許武愛弟僞割產貪婪大譏躬自踐禮有分異家別居畢
竟此語出何典武安赫然稱漢相兄弟坐判東南嚮何況

風雨日侵尋楹淪壁陷尤悲愴陶山孝友本性成荆南作
吏歲頻更幾度看雲眠憶弟時復陟岡瞻望兄官齋先後
行旌駐尙怨伯氏來何暮呼兒火急掃風軒庭前照耀三
珠樹梁羅阿虎聞伯來滿攜黎橘陳樽罍小者直前捧伯
手數歲不見無疑猜阿咸存叔亦至止團圓笑語春風裏
飲少忽盡數大觥鵠聲遙助賢侯喜是時紫金花照廊滿
園竹石皆輝光坡老河東移守日崔家京兆德星堂分形
同氣誰不念伯歌季舞真無忝世人但解樂妻孥請看迤
軒小聚圖

題秋屏蘭汀圖

與君生長離騷國年年九畹春無極數灣流水到君家蘭

若沿溪春一色此圖作自何人手燕臺展玩徘徊久恰似
湘江解纜時細雨汀洲一回首綠崖傍石花離披寫伴先
生書帶宜謂余草木同臭味索句要與蘭言期故闌風物
牽情遍玉孫芳草遊非倦含香握蘭持祝君種花乞我河

陽縣

時余需
次京邸

均州舟次酬小令贈別之作用茶川韻

暮潮迎櫂起蘋花搖颺心情水一涯惜別萍蹤俱泛泛對
愁漁火自家家謝羅曉霧侵衣濕峴首垂楊壓帽斜他日
相思清漢水兩年歧路慰深嗟

武昌南歸寄呈廉鎮梁冲泉先生

新秋簷鵲曉窗譁玉宇西風漢使槎夏口濃雲晴繞郭南

樓明月夜生華域中耆舊仍三楚亭畔笙歌擁萬家十載
門牆重接席槐陰清映碧煙紗

鄂渚離心日夜潮故園歸路總迢迢經年客路三瀧繞此
去扁舟一葉飄細雨黃陵漁火暗西風紫蓋雁聲遙臨歧
不盡楊朱感天宇秋清認斗杓

自寧夏之京留別家兄四首

露宿風餐夙債多天明騎馬渡黃河城頭驛路寒雲色隴
上離愁折柳歌舉子文章慙鹵莽長安歲月易蹉跎對牀
火急尋前約六十匆匆小劫過

湘浦詞人山澤臞詩籤茗椀足歡娛搗來官裏賢勞甚泥
復邊庭版籍殊春水溝渠貧堵築秋風戶口易逃遁真滿

山下經過屢莫遺霜華上鬢髮

兩載心期抗嶽巖臨歧欲去語誦誦花間啄木能調舌地上騏驎始著銜官似淵明腰暫折道逢陽虎口須緘從來利器關盤錯世路荆榛詎可芟

潦倒名場萬念休一經舊德感松楸春風隴上思綸資夜雨堂前夙願酬容我故園乘下澤爲君佳處覓菟裘匆匆又向長安道古戍寒笳起客愁

重至京邸書懷

忽復乘舟夢

帝鄉九門佳氣鬱蒼蒼春風太液雙黃

鵠曉日層樓五鳳皇薇省諸公開典禮蘭臺羣彥盛詞章

東巡扈從歌

功德

天語煌煌陋漢唐

十載寒郊晝閉扉重來京雒昔人稀楊朱惻惻歧途恨區
子熒熒舊日輝底事踏春隨少女誰能學語似豨妃晚來
夢落瀟湘水鷗鳥分明笑我非

敖陽旅次見金閨女子李若蘭題壁詩玩其詞意似
已賣人爲妾尙在道途者書亦韶秀次韻四首

杜陵昔賦新婚別絲蔓憂心附斷蓬况復小星參與劫不
堪遠道雨和風隨鴉自古誰憐風策蹇嗟子尙遊馳時途中有

御史外任昨夜瑣窗訴懷抱醒來殘夢惜匆匆

豈有前綬惠夢中爲誰憔悴首如蓬淚容寂寞梨花雨佳
句芊綿柳絮風德曜自操梁氏白羅敷枉駕使君驄憐卿
門戶何零落紉馬馱來計已匆

芳名采入楚詞中盡掃人間艾與蓬
桃葉虛迎江上水蕉心暗折夜來風
身如翦羽雕籠鳥詩寄看花綺陌驄
苦說荒雞催促甚草書何事不匆匆

廿年黎棗植胸中底事如今尚有蓬
寄恨欲憑千里月妒花生怕五更風
也知釋氏空爲色不信詩人妾換驄
瓊蕊優誰是主情鍾我輩莫匆匆

湘中覽古二首和孫蘅舉

起祥

五兄原韻

并序

時歲在甲寅授徒長沙蘅舉司鐸善化晨夕過從無間
曩與蘅舉負笈嶽麓距今二十餘年不謂乃復棲遲嘯
傲於此白髮誦論語豈其夢耶顧念予與蘅舉蹤跡離
合非一由前準後此情此景可多得耶耦耕舊約五嶽

前期悠悠千載之心永以爲好臨風悵望情見乎詞

楚水湘山望不窮幾回惆悵與君同如何一片新秋色又
向蒼茫落照中賈傅祠堂苔蝨雨定王宮殿蓼園風悲來
不獨綠陳迹我輩行蹤半雪鴻

熊湘山閣俯重湖少昊開天置此都青草白波趨夢澤片
雲孤影落蒼梧千春蘭蕙離騷國九面芙蓉奧密區便欲
忍饑從采藥可能薯蕷乞仙癯

廣陵懷古

紫塞蒼梧一望并千秋淮海盛旌漢廷刺史徐州部晉
代將軍北府兵皂角林前孤樹影佛狸祠外亂鴉聲可憐
風月維揚地未覺繁華抵戰爭

煬帝龍旂拂地來
要達後主鬪雞臺

揚州志鬪雞臺即吳公臺三千級

脚笙歌沸四十離宮錦繡堆
汴水楊花朝落盡雷塘螢火

夜飛回蒼茫不獨蕪城感
曾費參軍作賦才

玉鈎斜畔吹臺旁
燕舞鶯啼日日忙
廢苑草拖衰帶綠
名

園花發御衣香
春風十里珠簾捲
明月三更水調長
小杜

青樓誇薄倖
憐才千古一奇章

百尺欄杆倚碧空
蜀岡憑眺意何窮
海門山色鷗鷺雨
瓜

步潮聲荻葦風
蛾子功名杯酒外

淳于芬宅在揚州卽南柯夢處
閣黎故

事笑談中興來
欲覓龍蛇壁
喚起當年六一翁

奉題唐陶山岱覽圖

圖爲省大夫人墓而作

崢嶸意氣小寰區
卻說當年陟岵圖
若木曉光明翠巖
枯

蘇秋影落墳隅焚黃久駐林前騎助祭時聞樹杪烏乘興
偶攜煙九點望雲還復此踟躕

眼底名山夙願乖試憑清夢到崔嵬仙人石室春雲閉地
主祠壇夕照開萬里河流縈作帶一泓海水瀉如杯牽絲
莫道吳門遠白馬當年入望來

九日登高感懷昆弟

籬繞黃花側帽行翠微閒坐席殘英率林葉盡秋無影小
浦風迴雁有聲一逕盤紆苔蘚滑故園指點夕陽明天涯
兄弟人三處欲插茱萸百感生

二月朔日靖邊縣道中作

邊庭無日不飛沙入塞翻愁鳥道賒一線勢爭千丈險二

分足倚半空斜回頭只覺身如夢此去真將命乞花試望
鄉關登絕頂暮雲何事苦相遮

無題

謾學羅敷前致詞爭誇夫婿絕堪嗤料應多少傷心事欲
說先愁阿母知

二月春風倒蕩吹綠楊無主任東西不知何預流鶯事飛
上枝頭不住嘯

嬌羞肯作倚門顰自古紅顏造物嗔廿載天涯慣零落爲
君振觸一沾巾

花朝日始見桃花井陘道中作

征衣雪霰未全消兩岸紅雲罨畫橋總怪固關春色早那

知今日是花朝

蠶秋雜咏

一束新柴一束蘆
儂家璘藉早應敷
絲成更把金錢卜
賣向湖州賣向蘇

簇簇山頭雪作堆
松窗一桁向風開
箇中采得同功繭
不羨鴛鴦對宿來

真箇今年勝去年
惜花天是養蠶天
幾番懊惱何須說
蠶欲眠時儂不眠

落紅滿地捲簾遲
孤負春光又一時
蠶命也如儂命薄
情深吐出一絲絲

爲防生客帖黏門
桑葉陰陰護一村
今日無聊還對鏡
黛

眉不似遠山痕

三盆獻繭近端陽
女手纖纖盡日忙
聽罷繰車蠶務畢
田家罕見綺羅裳

鄰家姊妹共相期
須計宵來起莫遲
但看樓頭楊柳月
四更天氣飼蠶時

家家戶上帖蠶花
無數籩筐滿屋遮
最是夕陽堪畫處
采桑梯倚綠楊斜

雪白新絲纒幾束
同功繭子見來希
兒童翦破蛾兒出
變作尋芳蛺蝶飛

春光澹澹鳥聲中
桑柘成陰一徑通
紅袖不知何處女
提筐喧度綠槐風

采桑歸去半斜曛一曲歌聲隔隴聞燕子似憐人寂寞雙
雙掠過石欄褰

三間茅屋小橋西永日蠶家上簇齊漸聽繰車聲軋軋深
閨辛苦學添梯

沅湘耆舊集卷第一百十一終

沅湘耆舊集卷第一百十二

新化鄧顯鶴湘臯編輯

長沙毛國翰青垣校訂

張編修九鐔

八十八首

九鐔字竹南號蓉湖湘潭人乾隆戊戌進士改庶
吉士授編修有笙雅堂集十八卷蓉湖初以明經
官郴州訓導乾隆己卯舉於鄉官內閣中書入翰
林時年六十矣館中以耆宿相推稱曰蓉湖先生
先生內行醇篤四十喪偶不復娶居京師二十年
旁無姬侍蕭然一身應官外閉戶著書而已嘗病
注疏家以攻擊朱子爲名高於羣經多所辨證考

據精覈晚年以子世浣官曲沃喜曰吾父前任曲沃縣人爲建三不朽祠今吾子復官是當往祇謁先靈也笙雅堂詩自序編年斷自甲子以前有洗研嶺雲麓苑東園黃岑陟岫晉遊春帆秋帆海南諸草其研京草則庚辰以後往來居京師所作也山陽阮葵生吾山序稱其志行淳篤蘊藉深厚雖尋常筆墨蹊徑皆可想見其爲人今所錄諸體春容大雅不矜尙詭異自然各貴蓋於諸張中爲最醇矣

嶽麓感懷用王文成朱張祠書懷示同遊韻

湖天敞靈麓雲氣日往來居人愛勝地息心多遠懷林巒

互重掩花鳥時低徊岩堯古藏室中有升天階東階與西
嶼兩賢爲朋儕煌煌鸞鳳友纍纍金石諧昔夢屢見之出
處願與偕何期三十載浪跡同塵埃負諾愧山靈宿駕不
忍回

登嶽麓用王文成韻

東髮理輕策山中結綢繆凌風嘯絕頂黛色橫湘流俯瞰
泉澗美亦念亭觀幽前哲信高躅吾黨餘清修豈敢曠歲
月歷歷尋舊遊鐘聲出松寺香氣來橘洲深秋感寥廓城
市多煩憂願言陟岫屨金簡如可求

江上望黃鶴樓漢口諸勝懷古一章上唐中丞

大江從岷峨千里來奔馳其東合九江漢水南注之會於

大別山衆派共一支偉哉神禹力底定天南陲潯濠積元
氣萬頃青玻璃迢迢西樓上影落寒江湄臨風輒引去坐
與三山期黃鶴一高舉仙侶知爲誰下視郡邑浮雲樹何
離披荆楚峙城郭吳魏陳旌旂羣雄昔割據蠻觸徒爾爲
我來埽陳跡愧乏瓊琚詞周文化南國此地最先施喬本
蔭千年遊女安可思中興逮宣王召虎帥其師經營武功
成餘烈垂蠻夷異代有同軌上開明堂基英靈耀日月波
濤淨神祇方舟聊擊楫欲濟懷明時願以繼風雅作爲江
漢詩

自望雲亭至嶽廟小憩有作

行行望雲亭夾路滴松翠白日隱仙關青煙浮嶽廟宮觀

列圖畫碑額麗文，緇黃稱蕭散。笙磬聽清秘，貪看福地
奇。詎會山靈意，炎威倏已斂。遊人亦稀至，獨往絕攀緣。舊
蹟如夢寐，上峯了不知。誰續驂鸞記。

早下南天門戲作雲海歌

少陵登泰山，層雲盪其胸。東坡觀海市，雲海空復空。鐵腳
點道人，妙語奪兩翁。海嶽生幻景，所見將無同。我來朝陽
爛，俯瞰雲逢逢。清光徹上下，靈氣環當中。果如泛大海，萬
頃煙冥濛。三山想飛渡，乃落朱陵宮。懸輿繚絕壁，人影沒
數重。浮沈波濤底，隱約來前峯。漸出青模餽，穿出碧玲瓏。
天門忽回首，一掃隨罡風。

望日吟

我行不到扶桑東坐看陽谷臨鯨宮羲和久御鬱儀遠小
兒鬪辨車輪窮忽驚一萬八千丈聳身絕頂凌祝融目光
未到足力振赫曦臺畔何從容是時四更露氣靜陰森卻
立寒無風羣山沈暗不可動驪珠未吐驕蒼龍天鷄破夢
一聲裏火雲爛漫騰青紅始疑沐浴在海底黑水噴薄空
濛濛須臾但見一線上欲上未上如驚虹半規乍現圓象
露蒼涼已出波濤中跋烏奮翼入碧漢若木散彩摩蒼穹
晨光漸分夜色改照徹萬朵青芙蓉離宮赤帝符火德清
新六合俄曠曠深林明滅驚曉鵲下方恍惚聞鳴鐘豈知
神仙鞭赤日吐納萬狀藏諸峯團團天外此奇絕咫尺手
捧來心胸天壇日觀在何處登高望遠將毋同神州九點

耀靈影晴雲冉冉飛長空

義帝祠歌

南公傷心武關客三戶人煙悲欲咽阿孫亦號楚懷王居
巢老人定奇策牧羊立後原無功卿子冠軍非英雄渡河
九戰鉅鹿震入關一炬咸陽紅將軍自王等聞耳徙帝上
游嗟已矣誰令擊殺臨江中縞素翻憐漢天子由來反掌
成兒嬉君家世將甯如此艤船下馬呼天亡咫尺江東非
故鄉亡秦必楚楚事畢嶺雲郢樹同蒼涼君不見郴州城
西一坏土碧血斑爛雪花舞寒銷白虎墓門空更聽明年
號杜宇

思弟引

吁嗟乎兄之南兮弟居北
郴州清涼不可以休息
兄之北兮弟居南
桂嶺岑寂誰與樂
且耽一父一母如相棄
兮一出
一人如相避
兮孰使之然
匪由天使
我不見兮於今三年

題姜希萊同年家藏貞毅公藝圃圖

憶我昔讀遺民詩
萊陽給諫天人姿
淋漓大筆寫忠義
至今髣髴傳鬢眉
九重叩關動譴誦
朝衣碧血斑爛色
可憐家國盡銷磨
八極茫茫歸不得
江南亡命幾人存
獨開藝圃依名園
青山那處可薶骨
敬亭寸土原君恩
怒濤日派暮湖上
淚痕不到吳東門
遙想當年寄跡殊
側身今古驚菰蘆
騎鯨東海白雲暗
攀龍北闕蒼煙枯
度香響月等閒

事豈意丹青餘畫圖山房事業多幽寄觸處逍遙供講肄
玉山茜涇付滄桑此閒磊落藏天地誰與作者石谷王蕭
疏粉墨浮空翠就中品題兩鉅公漁洋詩筆堯峯記長安
十日陰雨開捧圖拂拭從何來嗚呼各臣風烈不可睹萊
陽有孫希萊甫

醉歌行宿阮吾山寓齋同度西兄作

對君蘭陵鬱金之美酒讀君小山叢桂之清詞披衣夜坐
不能寐天涯聚此誠何爲吾儕文字縱天巧欲背時利徒
奔馳行家製錦別新樣春官勒帛防成規或言場屋傳謬
種顛倒甲乙如兒嬉雖生周孔懸玉尺孰辨烏鵲分瑕疵
我文憾不學盤詰出入象象窮皇義南華老仙御風列儼

詭侷儻移於斯安能隨人作言語壽陵餘子東家施我言
此語亦非是古云師古無常師但當大匠定繩墨規矩變
化生神奇君不聞昌黎文章重山斗談笑鼓舞南海祠又
不聞大我仙人落儻耳行雲流水隨所之千金買馬愛神
駿那問牝牡黃與驪玉環肥婢飛燕瘠定憐異貌同娥眉
世人見少輒多怪橐駝腫背母乃痴惟應白腹稱妙手描
頭畫角羣相欺蠹魚翻化脈望去面牆東閣事可危酒腸
忽轉舌難卷卻恐神鬼咸聞知不然吾謀不用去亦得勿
令千秋萬歲來者嗤

自湘江入滌口

香心忽逐江南客已見天涯芳草積吳山越水興蒼茫冬

情尙泛瀟湘宅溟濛樹影映晴沙
塊北洪濤穿怪石搏風擊水信有神
浪花蹴踏波聲逆迎船筍蕨到處肥
漁師爲我牽銀鮒醉看秀色橫朱陵
玉女靈旂光咫尺舊遊一別將十年
人生聚散皆陳跡欲尋雁影峯頭遠
去問萍蹤灘路窄懸裝初作東南征
淥水滌洞通一脈夜深猛雨奔江來
明朝回首衡雲碧

釣臺歌

富春雨洗江煙微笑呼嚴陵登釣磯
千年狂魂吹不起虹絲恍惚空中飛
鯨魚到手卽騎去海潮倒湧君應歸
東南萬里竟何物見君不惜知者希
君不見南陽昔日騎牛童一朝佳氣
成鬱葱高冠長劍網天下二十八將
爭攀龍英

雄得時有如此鼎湖忽墮烏號弓荒祠眉宇亦誰似雙臺
怪石悲松風嚴光漢光兩寂寞古來萬事桐江東可憐共
臥故人情誤千帝座驚明廷匹夫懼應天上象頓令山澤
生儀形少微夜出明月上癡人浪說山陰星

曉起觀雨

臥聞鳩婦呼深叢起看曉雨登樓東明妝黯澹淚痕溼煙
鬟小照敲玲瓏細如連錢穿寶騎急如跳珠凝青瞳錦鱗
潛沫影不見垂揚力怯嬌無風兩山蒼雲怪多事平明飛
出青溟濛偶然商畧膚寸合點滴聲碎玻璃中蘇公好奇
雨亦好要與此意留無窮畫橈冷絕紅粉暗香隄寂寞
花驄安能飽食復晏坐一權徑破湖心紅

次吳一山題任松齋指紋畫牛原韻

呼牛應牛莊叟云坐談秋水窮天人任君觀物得三昧一
指寫出江鄉春吳翁作歌戲耶真解脫束縛忘艱辛何常
開尊集北海閉門投轄如陳遵酒酣見畫適野性鸞環禿
速紛郊岫蹶泔水墨互隱現豪毛點綴餘精神牛今但與
孤犢羣不願太廟文犧陳豈知清流日浮鼻煙簑雨笠兒
童馴一飲一沒態橫絕斜陽細草空芳茵車下扣角安足
偷欲往從之巢由嗔

遊靈隱寺用東坡孤山韻

湖波搖山山凌湖虎林靈鷲天下無蘿煙松靄路不定風
泉水氣聲相呼然香伐鼓誰家拏諸天歡喜聊相娛塔鈴

細動梵唄敲磴石欲上爭盤紆奇蹤五百同僧廬高峯擁
坐一佛孤冷然春淙夏鳴玉鬢眉清切分菰蒲酒酣濯髮
疑狂夫情坐響答至日晡起尋絕徑叫林麓此來倉卒非
良圖東南萬里滄波餘蝶夢已化莊周遽眼前有景愁詩
通江潮海日無人摹

信陽大雪歌

關門一夜嘶嚴風雞鳴霰集寒燈紅平明徑問信陽道風
花颯沓雲溟濛凌兢驢影凍欲死雖有健步難爲工客言
河北艱難至河冰十月聲琤琮太行雪片大如席飛狐倒
馬誰能窮勸君愛此瓊貝色此行所歷將毋同江淮咫尺
動愁絕輕煙點鬢如飛蓬眼明竹樹尙歷落手掇沙石皆

玲瓏汝南城郭在何處回首不見關南東憑陵荆楚壓淮
蔡青山一髮來天中冥阨塞前聚虎穴峭峯裏閉蠶叢
當年封狼據平地長戈快戟森刀弓懸瓠池邊寂不備坐
令鵝鴨參軍容英雄閒道頗制勝要與夜雪成奇功豪吟
對此意飛動舉杯一笑驚長空

宿滇陽峽

曲江山水逢佳處行行更入滇陽路萬壑千巖那記識舟
人卻笑圖經誤露宿風餐報水程漁舍樵村雜煙樹重灘
百丈聲號踞雙檣輕搖似平步舊聞英石今眼見刻鏤一
卷焉足顧入天石色疑有無穿水雲根忽撐露坐中碧落
驚飛來白日凌空猿鳥渡仙靈窟宅意何狀真宰聞之應

上訴我辭京國踰鄉里愛山不爲尊鱸住逍遙忽已到南
溟乘興欲超滄海去勾漏丹砂訣未授羅浮翠羽來何暮
眼前有景追亡逋摘異窺竒不知數涵暉谷認漫郎銘峽
山寺誦坡翁句寒風吹枕春暗生微吟一夜江天曙

井陘道中

五月披裘去雄關此獨行由來設天險終古幾人爭絕壁
見雲色半空聞磬聲騎驢昨日事處處一牽情

遣懷

慣作長安客深居學閉關微涼依道院殘夢別家山世味
甯如此平生好是閑秋風飄忽起倦鳥未知還

回頭

家急書頻到，羈愁夢已知。未成秋興賦，竟作悼亡詩。一病心常苦，經年別更危。回頭三十載，空有鬢如絲。

湖口

旅緒縈湖外，鄱陽東復行。紅波紛在望，白鳥去無聲。天闊漁舟失，風分葦岸輕。康郎青一點，凝憾尙分明。

晚上天竺

已盡登高險，催程酒未醺。巖分三竺色，鐘度兩峯雲。佛誓隨人現，香花到處聞。那堪殘日下，柳絮落紛紛。

南昌懷古

第一風流蹟，千秋孺子名。蒼茫問遺宅，落日滿孤城。懸榻何人識，生芻空復情。惟餘順陽史，高義想平生。

望湘江

跋涉今吾土炎敲思鬱陶帆將江月遠山與夏雲高湖海
留新識煙波記舊勞自多千里興天地一鴻毛

晚登岳陽樓二首

不盡登樓興臨流一浩歌乾坤洞庭大憂樂岳陽多落照
懸金鏡孤峯接翠螺持觴酌神禹今日定風波

極目從天岸真成汗漫遊寒光吹萬頃暝色上孤舟夢逐
關河迴心依江漢流行賦意中事莫更倚闌愁

武勝關

絕塞連冥阨關長客半迷當門山倚壁界道石盤梯薄霧
驅人影寒風散馬蹏中原太蕭瑟幾日度淮西

晚次滎澤

迢遞三川路蒼茫夕望收飛雲來廣武白日下鴻溝巖觸
爭何事雌雄笑未休明朝聞早渡奇絕見黃流

霍州道中

山路崎嶇裏疲驢悵遠行雲昏中鎮樹雪壓岳陽城清角
有餘興寒衣無那情急當尋造父萬里共長征

望南華山

人言六祖住遙指南華峯寒日抱孤影蓮花生幾重津梁
疲遠道山石立奇宗欲泝曹溪水香源不可逢

清遠峽山飛來寺

古峽藏深寺松關一徑虛猿吟翠微半鐘定上方初風雨

神人蹟煙蘿帝子居灣頭凝碧好及此伴樵漁

六榕寺

題名看玉局無復六榕陰僧話茶煙久人行塔影深旃檀
畱法相梵唄起清音一宿宗門契何緣淨此心

海珠寺

海珠臨石上金碧映斜曛圓影圍天岸孤臺抱水雲洋船
千島集鬼市一江分莫恃安瀾久須防百萬軍

珠江

北客諳南食新年減故衣斑駁行不得花艇去如飛濠畔
春潮細樓前海日微珠江添別淚一醉旅情稀

偶作

爲作炎方客，翩然寄遠心。
天風吹短鬢，海月照清襟。
生有虞翻骨，歸無陸賈金。
觀岐前路險，繫楫更高吟。

清涼寺居感懷

六月清涼寺，蕭然天地秋。
樹梢懸嶽影，殿腳插湘流。
蟬急鴉聲靜，鐘遲梵語幽。
靈山空掃地，暫得一登樓。

秋至三年感，何嘗復向隅。
重泉雙淚斷，淨世此生孤。
暑退人初定，雲飛雁又徂。
皈心無住處，寂寞對文殊。

紫巾臺用先王父元韻

欲下峯頭遠，登臺接半天。
白雲深過腹，紅樹密齊肩。
短郭人煙曲，孤亭返照圓。
幽尋知不盡，鴻爪意難傳。

曲沃中秋謁先君祠兼遊蟋蟀堂及城西南諸名勝

志感

漢家循吏重牧守子孫封

原注本文
中子語

歸驛千年便論都十

世從

原注謂歸蒙城驛
及修曲沃志二事

弦歌餘手澤

原注從教書院典
籍皆先君手授故

老記音容今日瞻遺像秋風起露松

蟋蟀堂前路豐碑字尚青桑榆依芟舍黍稷感先靈月映

臺駘廟雲開季子亭周秦題句在

原注謂與周砥齋秦吟
柱川二守倡和諸作

眺有芳馨

宿阮寶誠寓齋

平生知己淮南叟公子論交十五年此日相逢聯旅榻別

時猶憶在江船元瑜章奏才兼妙孝緒經書腹更便好誦

海山酬和句買絲只合繡成蓮

原注時讀斐園
師所集館閣詩

四月下旬潭村伯父橘洲兄度西兄偕姪醴泉平度

同集京師

天涯何處暢離情三葉聯翩集鳳城北海居人皆弟子東
山今日爲蒼生春花摘豔誰先捷秋實儲才仗老成勞我
西行瞻望急重來斗酒慰縱橫

雨渡汾關卻寄太原音信

長夏陰涼曙色分山關南去傍橫汾津臨雀鼠常疑雨嶽
近蛟龍半作雲京國衣冠猶繞夢天涯昆弟情離羣息肩
早慰高堂望北顧音書幾日聞

絳州與李端夫同年泛舟汾河晚歸有作

出郭聯翩騎影催風陵雁下泛舟迴絳山日暮雲初起汾

水秋橫雁又來賦信揚雄誇勝景詩逢李嶠是真才官齋
坡喜高談夜更酌河東自墮杯

二十三夜直有作

出入承明計已遲分曹上直笑羈雌辭來江海生前夢望
斷關山別後思樓雪漸消風乍起宮鴉初散漏還移丹霄
早識凌雲氣一曲陽春奏此時

長安旅客不知年襪被頻依紫閣邊只有文書供晤對更
饒詩思慰纏絲寒生萬戶吹殘雪響徹千門起暮煙誰說
黃羊當祀竈茶鐺活火伴高眠

春夜遣懷

閉門卻埽自多情送盡鶯花醉不成夢到他鄉鏡有信春

靡殘夜雨無聲宦遊久已憐張季婚嫁何須累向平莫逐
兒童苦吟詠近來新學盡詩名

十月二十四日夜夢兩老人對坐一几上共講尙書
余屏息立左右與聞論說者逾時覺而異之枕上漫
成二律

四十無聞學道遲抗懷三古夢中疑青藜未照生前讀黃
石誰邀夜半期典訓數行親警咳風流二老認須眉雞鳴
孤館沈吟起一慰寒鐙寂寞思

南行丹器信奇緣咫尺分明見昔賢齊語衣冠泰博士魯
宮絲竹孔家傳直教同室參今古未許羣言定後先檢點
平生餘底事欲將細字判殘年

湘館感懷

閒情終日閉門居我步人趨亦自如
旅館北年重有夢寒冰十日歎無魚
張衡不樂親機密叔夜何心耐簿書
早晚當歸須寄與白頭凝望定愁予

題燭影搖紅舊詞後

秋雨停杯掩淚痕
檢書空惜舊詞存
寶釵明鏡無遺蹟
落葉哀蟬有斷魂
錦瑟句工迷曉夢
畫簾人解怨黃昏
誰知紅燭迎春客
卅載寒燈獨閉門

自題湖上詩後

新詩了卻山川債
自別西湖一字無香豔
也因誇翠黛清高
強半寄浮屠
鶯花到處縈殘夢
魚鳥他年識舊區
莫道

癡心重回首明朝雙槩又姑蘇

早渡黃河卽事

金隄不見汴城東北渡冰流帶曉風萬里魚龍猶仗險九
天鵬鶴自盤空遊梁司馬情無限適趙虞卿道未窮惆悵
三關何路是欲飛雙翼入雲中

登平陽城

表裏山河路漸低平蕪煙樹望初齊寒雲倒映橫汾曲落
日斜臨太華西姑射神人憐玉雪陶唐風俗問黔黎登城
且進襄陵酒爭遣新愁到處題

絳州城中遊梁氏裕厚陶真園眺望

曾聞絳守園池美今見東雍景物新一水交流餘故國九

原孤往憶陳人亭邊雁影低城堞檻外梅花映比鄰只有
登臨供楚客天涯鬢鬢兩湖春

渡洛水南行不及過洛陽感而有作

誰信中原行路難障泥無復惜征鞍已辭底柱三峯水重
阻龍門八節灘二月鶯花遊洛少經旬車馬度關寒微波
渺渺情無限贏得青山霧後看

天津道中感懷

閒趁秋風別帝城冥鴻天際共南征過江張掾惟歸思泛
海王郎少宦情夢隔三春塵土遠槎浮八月斗牛清津門
蟹熟滄州酒便欲雙持了一生

夜泊漢上望黃鶴樓

又是城頭黃鵠磯年來去住忍相違醉中不記江南別夢
裏何曾冀北歸紅葉夕陽波欲下青霜斜月雁還飛洞庭
雲水方千里一上高樓詠翠微

初度摺嶺

嶺雲中斷海雲連取次行勝信客傳石磴寒霜餘虎跡溪
橋晴日起人煙離懷轉盼成千里舊夢回頭賸十年自笑
飄然來物外茲遊奇絕問南天

曲江謁張文獻公祠

天教開鑿嶺南人平圃芳祠氣象新丰度儼如金鑑日文
章領得玉堂春山中叢桂凌寒節海上冥鴻絕世塵最是
一家詩句警清溪松石碧鄰

過三水縣西望有感

蒲帆掩映與雲齊
玉鏡臺邊望眼迷
三派洪濤浮地軸
半空孤塔接天梯
潮迎高峽遊魚上
日落蒼梧去鳥低
我欲乘槎泛南海
歸心已過大江西

三忠祠

零丁宋室一沾巾
天意蒼茫各苦辛
燕市衣冠扶正氣
厓門風雨葬孤臣
白鵬有憾叢祠曉
精衛無言漲海春
卻歎汴京從北狩
南朝死節是何人

謂李若水

祝融廟二首用先王父登峯望日原韻

絕頂盤空萬仞餘
游心真到邃皇初
天門詖蕩乘元氣
帝座精誠捧碧虛
虞狩至今猶集鳳
禹功終古免爲魚
憑誰

欲問元爨事不見當年玉牒書

了了芙蓉接杳冥
栽栽松石擁危亭
海邊日月來雙照
上界神仙集萬靈
豈有蛟龍和霧隱
似餘鐘磬隔雲聽
試看朱鳥朝天路南極
先明第一星

登滕王閣

誰憐孤客渡江來
一夕乘風亦快哉
解翼落花楊柳句
有人驚道是天才

貴溪卽事

翠壑丹崖一萬重
南風斜拽信州東
江流西向入湖去
送盡夕陽無限紅

河上卽目

鄭州城門雨翻盆
滎澤縣前雲氣昏
行人五月浮河去
直到隄邊孤柳村

劈箭河聲晚更狂
飛沙捲入浪花黃
不知九曲來天上
落日西風背太行

元好問墓

金源萬古詩人宅
寂寞遺山土
一丘愛誦女真梁
燕句元

都清節并中州

元遺山之妹
修真元都觀

國士橋

月滿空林雪意驕
雞聲人語破寒宵
西風短夢醒多少
魂斷當年國士橋

襄樊雜詩

題詞

家木襄陽久遷南國客從汾曲暫逐中原弔峴首以何
年望隆山而不見王郎感事聊申誓墓之文馬卿倦遊
更有題橋之賦乃者風和上已情傷遊子春衣雨歇層
城憾惹天涯芳草此地千篇珠玉寶婦之錦機不如箇
中一幅煙波米翁之畫船宛似遂使杯銜落日酣歌齊
拍手以來纓濯滄浪歸興或叩舫而起欣然命筆率爾

連詞

三月樊城盡碧燕煙波寫出米家圖白銅鞮唱遊人醉不
見高陽舊酒徒

隆中遙接鹿門山採藥龐翁去不還冰鑑只緣司馬在世
開那使伏龍閒

蠻荆人物歷中州名士襄陽一半收卻信習公真四海風
流漢晉有春秋

循官屈宋埽詞場宗派流傳到盛唐好是少陵家法近高
名千古杜襄陽

詩筆平生祖孟公楚雲襄水似重逢南山山色分明好多
事騎驢京國中

故國煙塵半賊圍蕭條景物百年非傷心耆舊無人記閒

氣空傳一布衣

余高祖伯叔高祖
似殉獻賊之難

回首浚波怨洛神漢臯春水正魚鱗斷腸芳草今如許愁
殺當時解珮人

踏青人散陌花香一帶江樓倚綠楊恰似盈盈大隄女春

風齊解嫁王昌

冠蓋吾家自昔年
流連風土悵南遷
他時擬築檀溪業
書里山莊好墓田

水泛槎頭酒滿池
蒲萄鴨綠總相宜
直教流下滄浪去
便拆江湖把釣絲

晚秋廣陵泛舟

千里懷人訪勝遊
淮南叢桂小淹留
恩恩那作揚州客
愛上秋山平遠樓

紅橋修禊治春詩
載酒江湖似牧之
誰信一官煙月地
歐

蘇鼎立見叢祠

自注時以阮亭合祀歐蘇爲三賢祠

澹蕩溪光十里遙
芙蓉拂水過橫橋
衣香蟬鬢尋常見
只

是無人度玉簫

湖口卽事

芙蓉九疊白波環
秀削青天五老顏
聞道雲中笙鶴響
不曾真箇到廬山

晚泊樊口是夜順風過黃州枕上作絕句四首

吳峴聲聲鼓角雄
千年遺壁嘯江風
何來孤鶴橫舟過
月落烏曉似夢中

九曲亭前接大洞
西山十里水雲隈
寒溪退谷何人到
只合當年聳叟來

睡足生涯吏隱情
那將宦職謾詩名
阻風中酒江湖事
識得樊川一味清

坡翁小築雪堂前
樊口幽棲寄五年
欲把愁心寫江嶂
幾
山千疊盡雲煙

清江書畫身圖卷第百十二終

沅湘耆舊集卷第一百十三

新化鄧顯鶴湘皋編輯

長沙毛國翰青垣校訂

孫石溪起柎六十八首

起柎字幼梅一字蘅皋新化人晚卜居縣之石溪村故又號石溪官善化縣訓導潛江縣教諭有經訓堂詩集四卷秦小峴司寇瀛序之稱其孕古轍今除纖汰濫古色爛爛如睹商周鼎彝而沈涵浸灌鏗鏘鼓舞卓然成一家言所以推許之者至矣先生學博才瞻早歲受知褚筠心學士以優行薦得官與蘭翁齊名稱孫吳又嘗省其兄白沙於塞

外唱和成帙時以方坡穎晚歲盡棄少作務爲僻
苦險澀之音或反惜其舊作不傳云

家書二首

還京發秦隴又覺經年餘離家日以久五見鼠化鴛翻畏
得息耗數口如枯魚况值連歲儉踏水須溝車食穀豈無
將瓶粟富有儲泉府未可貸且復通里間所投薛公券卽
漢下手書

黽勉校讐課歲滿當盡簪例選州司馬縮朒事不任調補
平原學匡衡予所欽宜下不宜上飛鳥遺之音玉斧小兒
子仙經發高吟我鳴而輒和感彼鶴在陰玩索中孚義抱
乳良念深

答胡樸園孝廉汜水見寄

往聞騾馱聲欣喜若鈴塔劫來萬事廢
悄如入禪鴿擯朋歡悰
眇嗚噓時一嗑賴君圯上書寄我松風
問行草絕飛動紙尾數批答廣武歎英
雄意度良趨飲詠懷擬新作把卷開且
闔蓬池大河南倦馬頻年跼漸離筑不
攀遙集屐惟蠟徐高遠宗盟程吳近分
榻忽捫數險韻有如枯朽拉眞能得所
從定已厭螺蛤嗟我膺幕謀特坐常醒
蓋主人情好重淹畱見秋颯浪翁沈醉
處日月何奄溘看篆上怡亭憂感獨傾
榼茅堂可負喧壺架已除臘寒溪轉頭
失暝色尙斜搭船窗杳靄問簾竹編影
納海應蝦蛇隨草有歷蛩合雙田並鋤
理僭罍亦鐘鞶纜車響嘹亮牛鐸調嘈
雜

長物餘青氈薄紙供北榻吟嘯與年永流酒卽旬匝昂芋
凍蒟抽辰瓜爛羹嚶蝸居掃湫隘騶從汰瞬闕手釣披羊
裘足蘭穿革鞞木杪憩蹇產澤畔行迨還灞水伯休邠泰
山延祖齋相於訪素公桐汗汗僧衲

山居用武昌塔字韻

晚求覺路歸宗主四衢塔中廚閒齋旬法鼓泔蒲鴿是真
不二義偈讚可惟嗑誤落聞見因獵精討讐閣文似無雄
薦言訥有任答世味漸飽諳寧止嘗一飲放還絕轍迹巖
關日雙闔鳥桁知側睨鼠檠看橫踏安心若護香假容同
嚼蠟枕依孫楚流簞竟王恭榻疎盞引筒傳行裾被楸拉
齊物等蕙菘闕事成雀蛤桃盞自窮源李得匪卑盞溫鏡

楓炭然涼席棟鈴颯下蟾魄沉陸北駒影溘留賓茵累
坵開素韭平榼蛇狐講郢招貓虎索周臘三匙飯少加四
袿衣寬搭僧拖錦袍輸官租珠粒納曉白魔夢銷昏黑鬼
談合鹽裹箸包纒茶臼石鐘鞞避戊燕巢聞逢亥螯盤雜
歛足禮佛名運腕臨老搗體大每書空跋短絲題匝圍荒
葢卸銜池枯蠟張嚶補綴樹色籬籠銅過閭闌郭遊小壑
巾卻坐高著鞞市鮓競謹呼僧牛爭馭選養食殊騰騰夥
語從齷齪正恐生泥犁多慚法雲衲

送龔芝巖秀才還長沙

昔時袁燦舍嘉集初涼宵宮商援妙曲瓊莊並清標芝巖
年最少典籤名埒蕭方謂四極馳燕館詎云适豈意上虞

坂嶮絕摧華鏢訪戴過柴荆窮巷惟蘇樵子巖時祭竈鄰
里相招邀頗怪有此容光彩驚焦僥考評聚張樊唱和連
秦晁新詠黜徐庾竒想尊賀郊礮雨濕殘蕓瓦霜封枯條
晨起動歸思言返湘江橈何以慰離析有酒盈匏瓢念子
素多病霞喪每不聊風味轉廢墜承弁餘長髟要使鉤叻
去可飽黃精苗劉憑石桂魚食之蠲癘瘡薰以香自焚終
貽老父眺安期始干項仙侶原才豪學道得真意刀圭自
我操山有巡啞虎夜不來啼魑葉長作人呼根大爲狗號
玉璞礮白屑石髓流青膏何必啖松柏滿身生綠毛太清
講修煉內外俱含苞吐故卽納新鼻口參釐毫三田千萬
屢一息八十遭火井凝細雪河車駕飛濤指閒若泥出功

成籍天曹慎勿戲爭博失龍求牧皋

讀藝文志

漢書藝文志農言頗斷梗葵癸與野老篇目畧相等李悝
商君說別錄劉向整先民所纂輯八政食爲領散顏步畛
暇振眼望蒲杏耕讀旣兩負出處遂中饒孟嘉祗小異風
俗了不肖太傅豫章還談獎極馳騁感荷君子知私喜濯
泥淳邈升入太學春盡月惟寄州家舉屢屈京兆試所幸
十上不得行歸帆過橋翫高隱訪謝敷名流交葛靚滄滌
閱江漢巉巖轉郁未握蘭盪晴川捫蘿踐陰嶺搜奇觀寶
盃博古討璜鼎作篆規秦斯藏書彷彿蜀災菽樹栽千章秔
田種二頃燕麥生深叢菊秬擢疎穎浮波動菰葑迴塘帶

菱荇蟲窠展蒲盧魚苗長岸艸牛肚菘繞籬鹿藿豆垂町
晚樽傾壓槽午飯出蒸餅桐汁煮香餐藥茶試佳茗結茅
羅含定遯水賈誼井鄰並悉輿祀宗族別昭景棗完餽王
吉樵熟啖糕逞瓦雀錫名寶檣尾象字問靈壽扶老病牡
荆避妖青診夢檄髑髏占星畫銅鋌麾扇捉葵蠶支枕削
槐瘿蒙叟薄畱骨漁父嗟畏影聊以擬伏臘庶得免造請
更鈔金匱方養鍊駐青丙

立秋日

火中暑乃退風至寒將獵灼灼壯桃花事往歎劉勰光景
難把玩去若弦箭捷熠燿繞軒庭餘熠無幾接念我獨何
恃童子長佩鞢便腹老孳先高論饒輔頰年來學暗啞湘

語作咕囁惟有文字間尙不慚染麩散體瀾汗成韻句礫
碯疊自喜如麝臍時一發深篋賦皆出千乘大城陳蔡葉
旁睨晉陽壘僅足封馬鬣暗中自可識曹沈得心愜豈應
百歲後人長但如莢頗憂生理窘愁苦在眉睫竹筒錢輒
盡耘老法空挾計當爲主簿徒舍遵家謀揖拜劇縣尹處
分奉堂帖懸知龍鍾近衰髮滿銅鑷論報鞠鼠獄力攫爭
烏牒數齒待其富笑我遺契拾蕉鹿倦癡夢芻狗驚孫麗
越人方已疎子輿病真茶歸歟從少游武溪謝寫跼

題陳蘭莊秋水篇卷後卽送其歸攸溪

時至觀百川灌爲涇河渠兩淡涯清閒豈辨牛馬歟東行
見海若泄之以尾閭未卽知爾醜方以多自殊道在觀差

數毫末邱山俱秋水非不足海若寧有餘井蛙難與語病
每拘於墟五帝之所邇三王之所驅伯夷之所殫曾史之
所儒孰精孰爲小孰大孰爲埽物生若驟馳變動無或居
莊生了此義因著秋水書陳子襲其解列仙山澤臞滯淫
歲已久忽復返舊廬何以道檢素靜言思盈虛

寄周希甫用陳正字寄晁以道韻

西河子舊館並舍常若遠經年祇鍵戶不出豈我懶自非
子哲流可許卽云簡仲弓有疑義知聖非不滿推激無同
儔克已自貶損喧聒謝浮議鄉校論子產念子中書堂銀
筆點紅木風流南阮屐將踏北富阮其羽用爲儀寧惟飲
食衍望子驟貴音慰我清聽晚平生跌鐵腳宴坐肌肉緩

俗緣擺落盡但畏子書斷子書數念我我豈惜視短老境
放光明不覩文字眼

送畢南峯教授還澧州

南峯告我歸峭帆去何卒集送置別酒激澗舉觥凸摳衣
二十載狗曲幸無艱大憂講喪禮本固故不扞吾嘗爲同
僚執干舞而挖今年豫製棺頗類王補闕畢如與宰如賜
也倦游越鄭僑晉叔向賓席盛登轍行將圖壽藏投章讚
卿笏仕進乏銀艾寧復虞墓柏老妻有深識辛苦共礫甃
主孟喧我餓有似拯溺粹秉筆不擇位均須待銘碣東坡
銘五公此外滕元發趙瞻碑亦辭盛德乃可揭鄙文慎苟
諛謹嚴析毫髮况承執友誼兼帛謝貽厥但恐兒曹癡甲

科要旌伐聞之水經注澧岸雙石硯充零兩縣尉魂化尙
爭許彼緣論封境佩強遂埋骨至今澧水上舟人薦肥腴
豈知百年內飛笥如白楫君行我待滿我歸歲在闕賈馬
諸大儒期功棄官闕微祿何足計自欲老耘墜春來拔陳
根土長初冒楸山田約幾稜用力當措措注箕米寫斗左
擔壓齧蹶卻笑高文通護雞雨飄忽

酬姚健菴明府贈墨

舟行過訪丹陽麓青峭數峯三十六研山海嶽俱銷沉英
光堂本已難當仲溫蘭亭亂離後初筵白彝驚肅穆考功
評跋麗稱痺僅存帖語曷辨肉何論孤雁道遙篇書譜散
亡無目錄行當高挂洞庭帆折柬封題霜橘熟南隣明府

信可人嘉惠辱委蒼元玉柳枝瘦硬印稍損松煙深重文
半縮斧斤所斲三百年老手萬初飽揮毒品在郭北父子
間上比蔡瑁與潘谷舊寶犀角雙盤龍自喜不啻荒年穀
今者賣菜復求益此事毋乃太更僕豹奴一書強效顰蟹
箋八行時瞪目伯英差許工大草子雲便欲誇尺牘眼淨
視蝨如車輪轉端直可破飛鏃千金獼髓無癩痕畫虎初
成有邊幅但恐此意忽不樂俯仰隔世蒿火速楚凡且莫
辨存亡貴賤何暇分珞珠不知我身竟誰是况計敗紙餘
廢麓吏部石幢標姓名太極殿榜懸腰足細思不覺一笑
粲定有幽人爲捧腹

石經歌

昔聞今字九經帖十年求之不獲觀去冬行役出關隴往
返上郡過南山規樞碑洞發遠想摩挲再四憑迴闕開陽
門外講堂畔石經磊砢紛爛斑西行易書公羊傳東行論
語三碑殘禮記十五悉崩毀議郎諫議徒存官范史熹平
初提槩水經光祿後書丹鴻都門下待制旨宣陵孝子除
清班侍中辟召聞樂賈弟子畫像瞻孔顏太學八分本耶
將正始三體從邯鄲武定自洛投河水開皇由鄴遷長安
營建之司爲柱礎貞觀收入篇無完魏晉以來一字卷加
刻典論曹子桓裴頠祭酒復奏立嵇康古文備鞮翰神龜
博士補漢缺天寶月令鏡秦頌文宗太和準舊事宰相曰
鄭覃承刊周埤崔球互考訂次宗溫業同編刪寫爲鳥變

佐隸勢邪長輕舉何黜黜細筋續骨褚柳蹟纖波濃點虞
歐開開成二年告功畢崇臺重宇層雲端米梁補刻尹玉
引厯劫不壞劉與韓汲郡領曹遂立學元祐及此無疵瘵
如出膳夫牢鼎九坡陀古色推頭曼渴思已久欲訪購屢
探索手蓋囊慳今來數金揭此本有如津液生梅酸五月
車輛不可度太行瘦馬馱千盤歸造小閣插高架晴窗邈
迤垂桃鬢研朱注易守師法商瞿橋庇江東駢瑕邱訥口
有至理石渠浮議空誣譎仲舒劉向豈易到驚蹇自愧形
蹢躅精氣每覺時困瘵衰病便恐成虛辱陰陽百疾卽投
幄詩書六藝何由殫平生嗜好盡吐棄惟有蠹簡勤相關
老嬾不復就選舉期以三歲銷餘寒

响屐碑歌

南宮朱鳥權衡巢三光之廷黃龍跳長沙軫中主風位翼
爲羽翮乘衝颺精氣下徹立山嶽石廩騰擲居雁尻其上
大書响屐字雲靄輝耀蛟螭拗承帝曰咨翼輔佐忘家弗
子呱呱號波磔鉤趨未緣起孰敢揣測輕摹鈔宋時何致
取市厯仿刻書院磨崖標譯文三家義甚鑿不類賈語謨
舜高韓子躋攀廢然返但見綠樹攢猿猱晚出嘉靖考上
古恐假辨口談諧嘲永叔德甫金石錄劉攽洪适紛抄歷
數典若忘大禘主何論七廟分羣昭陽翔輒亦非眞品前
輩已互爲訾訾匡廬遺文僅有識識鴻荒濛余乃楮七十
七字盡通曉豈不遠勝乎紫霄

廬山紫霄峯有禹刻僅識
鴻荒濛余乃楮六字與陽

翔獸字爲三周書陽翔
類字卽夏縣類篆也

四千餘年螭匾畫點縮未可窮纖

毫要知此意甯人世有如北斗懸魁杓我思炎帝作入穩

一謂八穗觀禾稭顛頊始改造蚪蚪形狀大首顛類顛夏

后祭典獨郊繇祖頊實與虞同祧書體淵源本家法帝王

世系釐不消少昊後衰九黎亂民人雜擾傷淨漂乃命重

黎司舊職南正火正俱南交或食於心或食味同掌威柄

笞饗苗粵稽古今人表內闕伯乃編第八條祝融仁者凡

二等庸詎止夫隸臣僚陸終女潰誕六子震離兌巽坎艮

爻昆吾季連老兄弟神明古胄何迢迢功德所在不可朽

芒芒禹跡銘山椒當時橫流極汎濫三脊不長江淮茅天

一生水地生火五行生序靈龜燠妃以五成楚所相陽爲

奇牡陳終銷聖人元理參造化治水所以昌其枵小儒昨
舌但萎屨虎禽俯視周王朝

從軍行送周素芳進士出塞

角弓玉靶出蕭關涼風獵獵吹衣單拍彈羌女無顏色將
軍初破燕支山祁連何處生秋草屯兵又過居延道驃騎
營前海氣青輕車隊外邊霜皓賢王遁走夜潰圍渡河獨
挈渾邪歸平沙萬里斷人蹟苦月昏黃秋雁飛名籍十年
編幕府備身行列隨彊弩馳壁紛拏許灌夫杖節操持壯
蘇武就卷虹旂柳寶刀祁離龍額立勛高長安特築單于
邸天子重開司馬曹失侯坐酌徒猿臂左髀六印猶官字
蘆筒糜酒醉不醒黑雲斗壓烏秬墜真珠亂瀉搗琵琶鳴

院園罷聞悲笳橫笛數聲正愁絕李陵臺畔有梅花

積筠心師茶墨閒寓館用東坡陪歐陽公讌西湖韻
試院煎茶轉飛雪白麻落墨嚼齒頰手持玉尺半四海嘉
祐文格變聲烈坐思湖南秋五霜當時號令猶煌煌醒心
亭記殊草草醉翁之醉醒而狂黃茅王氏亦不惡元氣已
固紫團藥茶品有如汲黯慙墨者自得房生樂小軒重坐
春風生天泉證道心分明嘗茶磨墨言下省夢中了然識
秦箏

酬彭肅子上舍寄贈端州石硯

彭子寄我端州石其年歲在大荒落何從踏天割紫雲墮
爲梅花老坑萼西巖下巖最稱勝蕉葉花黠辨非錯身州

集中天然硯鉢兩細較頗相若流傳定知鬼物訶刻剗畧
見神手拓長安二月寒食後裁書答問及南毫劍啄扣門
遠緘至嘉惠猥以珠抵鵲鄙人拜辱豈克堪自審所長唯
負纒翰墨緣慳旣無分久不作字眼生膜窮冬朔風走西
北輝熱又苦腹蛇蠹何能飽奉一囊粟空自縱飲三升酢
匡衡何自階朝廷謝鯤只宜置邱壑著書立名復何有不
如煮豆蒸餅飢江國交春水漫漾田家下火雨滴石頽焉
疎嫩遂衰朽當亦別有少調度氣短專藉丸補益形弊切
戒灸燒灼蟾蜍輭玉翡翠金庚申伏蝠子午鶴拾芥引鍼
揆化理蝨血鼠漏事醫癩才術極仿漢太倉官曹休語秦
上符持此仇池碧玲瓏資余博考注方藥

補葺桑下書屋招鈍夫蘭莊小集

一邱不踏江湖船一石不待漏鼓眠犀首飲酒正無事此
樂不朽寧非天呵呵蘸甲總濡口豈有美人笑蹙走况如
白鶴遷新居三人月下能同否交驩零落已難數安得夜
剛接軟語吟詩空作饑鶯聲誰許索果相勞苦直筆用意
誇行諸宗文雞柵籠墻廬能致公等諱言別放篋卷耳風
痺舒况有翠羽炯江國紅鮮照我衰顏色東屯百頃真良
圖水花冷淘精食格

題李東川山礬花畫卷

李侯罷官來長沙庭前芳意初萌芽爲愛山礬忽惆悵點
綴紙末成奇葩春初二月曾見此江南風景無等差誰謂

天寒正愁絕雪霰迸出高槎極恍從唐昌踏碎月或是后
士稱瓊花古帖卽向謙叔考香語還自涪翁誇想見補陀
海岸處不覺十稔留天涯觀音老人肯相顧爲我趺坐端
不邪病未索居亦永久坐念兩鬢候已華習氣料理除未
盡相與賞翫頻咨嗟

題東川墨梅花畫卷

至正品格梅蒼卷墨梅二種生鐵色衡州花光仁老梅高
情數筆餘淡墨東川此畫偶近似畧川墨潘纔半無宛然
孤山籬落間杖藜步入得良覲嫩寒唵唵鉤簾深緝雪霏
霏打窗濕新詩可記漢皋話幽賞恰遇金華伯故人流落
在嶺外白頭青鬢十年隔楓林遠夢重攜手對酒那不念

疇昔烏篷江海捶破琴絃衰煙雨壓殘笛折葦野岸風毳
毳行藥洞口泉滴漑兩舟相銜二道士佐卿歸來自應識
沉思非夢亦非晝暗香疎影爲尋覓地爐睡醒過去時卻
上瞿塘是圓澤

釜鳴

炎官火織張星毳四尊瀛海駢龍頭丁壬云何使降伏軒
轅之體誅其尤破鐺折脚那有此犁然宮角聲相求日月
吞吐有節度坎離旋轉無停畱淙琤玉應到三釜太倉乞
米匡炊矛先生五十幾何耄石鼓不作西秦遊遣化飯取
衆香滿老龐水用軍持收一勺自可供飲鼠大鼎何事誇
函牛細觀瓦注得巧思卻笑鷲算真狂謀冬來尙想湖浪

聒夜卧喜作松風颭忽驚雷電煬避竈坐覺神鬼宰為邱
瓶笙定騎白羽鶴銅夏恐化青金蟬六甲常隱義難曉五
行不珍理則優安得吉祥非鞞鐸從可富貴生兜鑿此語
謬悠吾非許據觚聊復聽春秋

示鋌五首

漢理珠囊後爭傳法要符魏惟王輔嗣宋有邵堯夫九六
乾坤策方圓大小圖玩象觀辭象可以得亨途
書序百篇策皆為聖所刪中星始殷仲道水必隨山酒誥
文差異盤庚句不閑類明古今語爾雅義攸關
反復觀毛序周詳闕鄭箋吳天郊祭樂長發肅詩篇齊義
通於禮諸家學有燕申公為最近魯故在齊前

夜食齋行壩雷鳴魯世官西宮除小寢宣廟去三桓災異
存疑案傳聞啟議端江都有明法劉向所加歎
大射西京學流傳沛孝公篇分王氏史經出魯淹中毀廟
當誰是園邱郭可從康成禘祫議禮意獨深通

石溪山房五首

老境吾能說青山映髮黃重茅三戶僻麤糲百年長野濶
流鴻遞風高動鵲梁梅城溪路近上塚媿襄陽

巖石無名譽樓遲谷口耕鉏犁春雨暗機杼夜燈明禮典
傳家事徵書畏友生汾亭鼓琴意垂釣豈關情

窖囊宜種類古語候年華積雪已如許我倉寧有涯畝田
收火米蕎麥發秋花銅鼓迎神會婆婆到日斜

沈州青雀集卷之五
反楚聞師訓蔬畦自課丁
菠薐通佛國楊樸散璇星
饋歲兼風俗嘗新尙典型
艱難求一味敢許但橫經

西崦尤稱勝高槐表一村
上時花事活亭午稻香溫
舊穀儲間井荒餐共子孫
我生亦乘化靈蛻信乾坤

省兄白沙於山海關二首

飛來渾似海東青旅次征鴻宿
洞庭豈是雷儋兩別駕相攜
過遠作添丁禿襟鸚鵡追歡舞
高枕鷓鴣臥病醒樂府刀環數
歸路沙墩梁苑幾長亭

槐火風光發石泉暨陽邱
壠盡桑田三喪並舉知無麥
一夕奇溫定有綿塞上雪深
遊子淚江南草長夢中緣誰
能風雨彭城約更待銅人五
百年

次前韻二首

長岑放逐成煙青
蓬旨崔駟識大庭
愁說金華羊是石
喜來遼海鶴猶丁
秋濤萬鼓環邊思
島月孤輪挂曉醒
射虎將軍休夜獵
北平何似灞陵亭

鑿坏屯落井流泉
稍覺鄰牛少暴田
潘岳家風詩俳側
張憑母誅語纏綿
相依法喜無他室
同到僧伽有夙緣
長與先生清不寐
松明香澹照衰年

維揚覽古二首

清口黃河水勢增
入江故道久難憑
中流雨色來瓜步
八月濤聲泊廣陵
邵伯甘棠思謝傅
高家新堰憶陳登
五官駐馬成詩處
戰艦旌旗不可勝

中原北伐此深溝九塞邊形一葦收南渡將軍空甲第東
陽太守自風流大江飛鳥明淮甸古埭垂楊入汴州蕭瑟
平生庾開府三千餘里溯昭邨

姑蘇覽古二首

橐臯霸業愴威稜越絕書成感廢興萬嶺風煙趨笠澤三
吳春水下松陵空餘故苑眠垂柳不見前溪唱采菱惆悵
綠蕪繁邨墓跋陀行雨正飛騰
七鴉浦口太倉東側柁香林日可中何處冷吟招木客當
時飛劍試猿公江潮遠步生疏葦漁火長橋黯落楓玉柱
金庭訪靈蹟閒情寧復怨逢同

江陵畱別洪素人

江路驚心雨鬢華
杪秋依約近長沙
相看永夜星光大
此去空堂暮景斜
漢使音書通一雁
郢蠻消息斷三鴉
同龕久客知何地
尙憶黃梅有故家

湯陰岳忠武王祠

臨安下馬岳王墳
魏郡經過舊梓枌
諸路漫勞神臂射
十年空悵背嵬軍
洹河輦道殘秋草
汴水陵臺澹夕曛
賸有蕭蕭祠樹葉
西風吹不到燕雲

關中覽古二首

憑軾西京道息周
古來形勝望中收
洪河遠折終南雨
太華高臨白帝秋
大澤平舒秦鬼去
柏梁銅柱漢仙留
人天八部陵伽院
塔頂蒼蒼迥自愁

別殿芙蓉曲水濱唐碑事業付昭仁九門蕃部中興日諸
將河陽舊壘春函谷青牛通御氣潼關赤馬陷邊塵當年
圖畫思王會嶺海豪酋有外臣

寄龔荻浦翰林周希甫舍人二首

別來長夜不能眠白道宵深見月弦頗念舍人分六押久
思內翰待雙宣北廳執愈南廳院堂老何如閣老年兩制
官銜可相稱要令文采各翩翩

知予清興近何如萬事悠悠且破除斷本搜求皇甫帖千
文尋玩永師書風高壞塔慈恩上雨洗麻葉蓮勺餘西掖
開窗並東省往來同和寄樵漁

河中覽古二首

歷歷中條見翠微津門一棹雨雲稀絳陽故道神龜去
水秋風旅雁飛元鼎上儀餘破瑟秦寧深廟尙靈旂龍
待制天書議似與祥符相國違

綿上汾山孰主名郵亭剛接禁煙城祇今風物寒鑽火卻
憶江鄉冷散錫鶴雀樓空飛暮色鐵牛橋斷變河聲夾關
誰識西征計徐晃朱靈渡騎兵

哭素人比部

渾渾飛輪去不旋西臺雅志竟難宣浮屠底事多三宿開
府從來只八年議禮誰尊高密注考星同步太初躔留將
老淚飄蕭處歛浦春沙有墓田

除夕二首

冬廬蜷縮守難伸細撥鎩灰煖氣勻暮景飛騰看白髮天
涯寥落對青春泥洹有路憑非想金粟無緣轉後身耿耿
一燈長不滅十方照盡去來因

苦沿吏牒滯京華陳黥餽饑久截牙官餽感分三殿賜春
錫持用六經誇通宵堅坐知無夢來歲將除想到家吾法
可行唯瓦食雲湄祖塔在江涯

荆州覽古二首

斗食司農役已休歸途差喜次荆州江流日夜成終古地
險東南控上游赤壁欲迎公瑾岸白圍曾住子瑜舟晚來
信步樊姬墓紅雨桃花攪獨愁

冥冥極目數飛鴻馬牧城頭鷺尾風客館姓名留庾翼西

望高饒鎮桓沖秣陵天遠長江暮巫峽雲深古戍空吳闔
不賓修戰艦望沙談宴亦才雄

岳陽講舍四首

天岳山前講院留窮經枯坐似虛舟君山高處多神廟湖
水平時滿郡樓小學諸書先訓纂司農家法本春秋康成
注義兼秦讖太一宮行秀白州

槿籬香草得深叢簾捲筠篁掃逕風月夜詩成酬尹恣江
潭宴集別王熊愁聞南溟迴帆鼓興寄巴陵餉飯筒妙藥
靈仙負前約墨山煙點石門東

灌頂清甘病欲蘇磴茶桑苧定如吾薄陰黯淡唳鷓鴣平
楚青蒼叫鷓鴣沌口長波流漢口西湖落日照東湖小坡

已有斜川集咄咄真堪逼老夫

指點東山舊草堂尙書清節未能忘安邊奏議時方盛誦
戍心情老更長石馬秦園秋露白銅駝宣府磧雲黃獻王
昔日稱三傑懷麓風流有樂章

湘中覽古二首

熊湘高閣倚青濛裙屐登臨興未窮秋水湖波生落木夕
陽林表沒飛鴻漢廷郡領長沙遠唐鎮兵連九道雄更上
西風訊歸路梅山溪峒雨聲中

萬古滄波幾去鳧茫茫笠釣老江湖番陽縣令傳吳芮天
漢籬王嗣附胸藉雨千帆瀟水合寒雲一片石山孤何年
置笏潭州督零落風流白鬢黃

西齋二首

文學西偏陋巷居先王仁義宿遠廬爲儒未卜榮三族已
癯聊欣得一車瓠葉禮行賓有射驪駒歌罷客何書尋閒
便欲刺船去隨雨笠簪試釣魚

學生州府例能申議罷齋郎筆有神終擬把犁觀夙尙寧
聞植杖返先民深求命鬼顏成子高語梁蠻戴晉人若問
籃輿行半道應煩刺史共清醇

桑下書屋得桑字二首

拙劣誠知分自當攢眉風味似柴桑百年翳翳景將暮十
畝閒閒田就荒卒歲吟寒勞蟋蟀浮生觸熱轉蜩螗晝與
隱几誰推戶體道豪情問弁嫻

饑來取足等諄芒淋雨何人飯子桑知有道情妨世俗喜
無智料受灾殃石田社燕春耕早茅屋村雞午夢長敢擬
梁公年九十鹿裘帶索自徜徉

次韻楊鈍夫山長大雪四首

天心閣上景絕奇何似大庾嶺頭時樵蹻數蹠滅無迹漁
艇一葉掀有姿憑陵大集掎角勢瑣碎兼分南北枝客與
王回及常秩都輸貢父臨江湄

翠勞天下何雄奇霏霏落磴玉屑時窗紙可見清淺意爐
灰試辨仙凡姿秀句點染發春色饑腸詰曲槎枯枝憶子
借馬入省日滔天凍浪渾河湄

將子意盡能復奇枯腊看灑天花時酒力五石弓手滿茶

煙一縷鏡髮姿蔡州鵝鴨響隊隊淮南草木紛枝枝冲瀆
持國兩當敵吾衰但拱荒寒涓

從老得白原不奇黑業未懺知何時想見山鬼薜蘿影夢
遺河神瓊瑰姿眼明展卷洗困眊指冷握管皴駢枝清興
欲倚剡溪棹淮水左迤湖爲涓

送濮荆南經歷之粵西

篁竹叢中水石涼應官聽鼓踏逢逢武昌行客今衰柳蠻
府參軍此大江陸賈舊通南粵使祝良新受九真降論功
絕嶠看銅柱浪泊威名振嶺瀧

許秋巖比部使湖南得碧泉少詹寄書二首

南來不覺五秋鴻遠信初憑驛使通鳳閣舊巢知未掃馬

沈湘書舊集卷第一百十三終
行宿火憶相從羈愁落落關河後歸計寥寥日磨中堪笑
當年覃季子但將史纂較窮豐

五官絕學竟誰傳雞次猶存歎古賢海內論交曾斷酒天
涯乘興自迴船秋高北落師門壘雲散居庸下口邊遠愧
宮詹有閒思細圖考牧問歸田

訪周半帆寓齋

細補茅鴟興自長平生二稔久相忘閒多豈謂逢諸葛市
遠聊從揖萬章衰髮毵毵秋後白疎花黯黯客中黃清談
有味皆名理更與安豐說子房

沈湘書舊集卷第一百十三終